

chū-iû kap bîn-chú, hō i kè-siok chē-tīn
Chóng-thóng-hú, Tâi-oân bân-sòe
kú-kú-kú.

☛ Sit-chāi bô m̄-tiòh, chāi-iá piàⁿ-miā teh
liân-háp, khó-sioh thian-tē bōe phòe-háp,
sī--iah, ūn--iah, miā--iah, hui ngó chi
put-lêng--iah, Thiⁿ-kong ū bák-chiu m̄-kiaⁿ
tō-kún-á ké hô-liu. Lâng kóng chiáh tiòh iòh,
chheⁿ-chháu chit-hiòh, chiáh m̄-tiòh iòh,
jîn-sim chit chiòh. Lán chit-kòan
tōa-pó-oân, pó kut-chhóe kò sin-thé,
sūn-sòa kò ke-hóe, chu-ióng bák-chiu bōe
hat-chhiùⁿ ka-chhiù, íong-kiāⁿ m̄-kiaⁿ
chhèng, chheng-koaⁿ jūn-âu bōe giàn-thâu,
phòe-hu iù-nng lâng iân-tâu, kiân ūi pó sim
kò pak-tng, chhùi-chih kam-tiⁿ bián chiáh
thng. Hō lín khang-khòe ū-lát piàⁿ chá-chhī,
chhù-lāi tōa-sè hó io-chhī, lāu-lâng chiáh
liáu óah pah-jī, gín-á chiáh liáu bōe
lāu-phīⁿ, siáu-liân..ê chiáh liáu bōe
phòe-pīⁿ, pó-chèng chiáh liáu bōe hâu-siáu,
chin-chiàⁿ sī chiáh òe tiòh, kah iāⁿ káu-táu
ōaⁿ chit-chiòh.

☛ Í-kun: Sí-mih! Káu-hūn-á chhut
sōan-chiòh, góa taⁿ Tāi-kah chhut
chháu-chhiòh neh? Chhin-ài ê sī-tōa, lán
nā sin-khó pīⁿ-thiàⁿ m̄-thang khioh, tú-tiòh
lāu-lâng gín-á ài thiàⁿ-sioh, bô chíⁿ lâi
chhōe góa chioh, bián tam-pó bián lī-sek.

☛ Ná ū chiah-nih hó-khang, m̄-bián
saⁿ-kang, lán tau tiòh ài thiah m̄ng-thang.
Bô iàu-kín, kin-á-jít beh lâi kap kok-ūi
pêng-iú sio kau-pòe, bé móa 500 khor sàng
chit-liáp ke-kui-á, tng-khì phiàn gín-á-pó.
Chhiau-kòe 1000 khor, koh sàng lí chin-chu
phòah-liân, thèh tng-khì sàng súi-bó. Lí
chit-ê lâng bé, góan kui-ke kā lín kò kah
hó-sè liu-liu, m̄-kóan lí sī m̄-sī hó-giáh sán,
hiân bé hiân thàn, bô bé òe òan-thàn. Kín lâi
oh! Kín lâi bé siōng kai chán siōng kai hó ê
bó-gí tōa-pó-oân, hō lí kò kin-gôan, sóan
tiòh lip-hoat úi-gôan, kiáⁿ-sun it-tit thōan,

lâng lâng tiòng chiōng-gôan. Chiáh
kiân-khong koh bōe tiòng-hong, keng-êng
sū-giáp bân-sū-thong, pó-chèng tōa
sêng-kong.

☛ Í-kun: Chòe-âu chit-tiám ài kā
hiong-chhin sī-tōa thèh-chhéⁿ..ê, chiū sī
chò-lâng ài ti-chiok, chhin-chiáⁿ pêng-iú
tiāⁿ chiap-chhiok, seng-òah m̄-bián siuⁿ
giám-siok, sam-put-gō-sī phah bâ-chhiok,
jîn-seng hái-hái kai sim-sek, nā-bô, chiáh
kàu lāu-khok-khok, thâu-khak òe siōh-tò
siōh-tò. Tiám chia mā chiok-hok ták-ê
pêng-an khòai-lók tōa hù-kui, thiⁿ-kong
chiáu sù-kui, A-Píⁿ-á hō lán bân-gō chò
sò-hùi, góan éng-óan bōe hóan-tùi, koh òe
kā i o-ló o-ló neh! To-siā! ló-lát!
A-lí-ga-toh !A-lí-ga-toh !



Hō Gū Tak--tiòh

Ng Bùn-chiong

Góan chhù sī chò-sit..ê, chò-sit gín-á
tùi 3, 4 hòe khí chiū ài chò khang-khòe. Góa
ê tē-it hāng khang-khòe sī phiàn sió-tī, koh
kòe sī chhī-gū. Gín-á pêng-iú chò-hóe m̄-sī
teh pí-phēng, tiòh sī teh sng, teh pūn
ke-kui-á, teh ī chu-á, teh phiak chhiū-leng,
teh pò khor-á, lóng sī chiok hó sng..ê. Góa
tiāⁿ-tiāⁿ kap gín-á-phōaⁿ chò-hóe tī
chit-tiáu kam-chià-hng sió-lō-á (tāi-iok 9
chhiòh khoah) chhī-gū, chò-hóe phiak
chhiū-leng.

Ū chit-pái lūn tiòh góa phiak, góa ū
phiak tiòh gín-á-phōaⁿ ê chhiū-leng, m̄-koh
góa ê chhiū-leng sòa phùn-khì kàu góa chhī
ê gū-á thâu-chēng. Góa siūⁿ beh khì khioh
hit-tiáu chhiū-leng, chiū tùi góa chhī ê gū-á
ê āu-piah, cháu hiòng gū-á ê thâu-chēng
kòe.

Tút-jiân-kan góa sòa poe chiūⁿ
pòⁿ-khong-tiong, tī khong-tiong pēng

kúi-nā lín. Jiân-āu siak ùi lō-á-piⁿ ê chú-i-kau-á té lóh--khì, kui sin-khu kō kàu chōan nōa-thō, m̄-nā kiaⁿ iū-koh thiàⁿ, beh háu mā háu bōe chhut--lái.

Tng-khí chhù, góan a-pah kiám-cha siong-hùn. Tī tō-châi ê nng-pêng piⁿ tãi-iok lí saⁿ-chhùn ê só-châi, ũ chit-chōa tãi-iok nng-chhùn-pòⁿ σ-tò-âng ê gēng-hoeh. Góan a-pah kóng, “Hó-ka-chài chit-chiah gū-káng-á tú-á chit-hòe-gōa, gū-kak té koh bô chiam, nā-bô lí chit-tiâu miā chiū bô--khì--loh”.

Sūn-hók

--Tân Pò-chhun Bók-su ê Káng-tō Phiⁿ



Ko Eng-lâm

Tī Sèng-keng lâi-bīn kóng-tiòh kiàn-lip hēng-hok ê ka-tēng, chit-ê siōng pó-kùi ê tō-lí chiū-sī tiōng-hu tiòh thiàⁿ hū-jîn-lâng, hū-jîn-lâng tiòh ài sūn-hók ka-kī ê tiōng-hu. Ū chit-ūi khì-giap jîn-sū tit-tiòh chheng-liân chhòng-giap khái-bô, Chóng-thóng tiâu-kiàn, Hēng-chèng Īⁿ-tiúⁿ pan-chióng. Tián-lé tiong, mā ũ pan-hoat hū-chhiú-chióng hō chiah-ê khái-bô ê hū-jîn-lâng, tit-tiòh chióng-lē ê hū-jîn-lâng lóng chin iu-siù. Hū-chhiú ê ì-sù sī hū-chō tiōng-hu ê chhiú, sūn-hók tiōng-hu ê ì-sù lâi hū-kōan, hū-kē, m̄-sī chí-hui i ê tiōng-hu. Góa teh siūⁿ cháíⁿ-iūⁿ sūn-hók chit-ê bün-tê, tī chit-ê lâm-lú pēng-téng ê sī-tāi, kiò hū-jîn-lâng tiòh ài sam-chiōng sù-tek, bô chin iōng-Īⁿ, tū-hui i ũ sit-châi bēng-pék sūn-hók ê ì-gī.

Góa jīn-ūi sūn-hók ũ pau-hâm ē-bīn kúi-hāng:

1. **Chiap-láp:** Ū chit-tùi ang-á-bó, in sī lôan-ài kiat-hun..ê. Kiat-hun chin-chēng, in ũ hō-siōng liáu-kái, thài-thài chai-íaⁿ i ê ang

chin ài khòaⁿ pāng-kiū pí-sài, in ê iok-hōe siōng-siōng sī tī pāng-kiū-tiūⁿ. Chóng-sī kiat-hun liáu-āu, thài-thài kám-kak chàn bōe-tiâu, in-ūi i ê tiōng-hu tùi pāng-kiū pí-sài í-keng sī cháu-hóe jip-mô, ka-jip Chhiūⁿ-tūi kiū-bê khū-lók-pō. Bô-lūn Chhiūⁿ-tūi tī sím-mih só-châi pí-sài, i lóng siūⁿ chīn pān-hoat khì phāng-tiūⁿ. Tiān-sī nā-sī ũ chōan-pò pāng-kiū pí-sài, i it-tēng liām tī tiān-sī-ki ê thau-chēng, bô-mê-bô-jit. I ê thài-thài án-chóaⁿ kā i cháp-liām, bái-òan, i lóng m̄-kóan. I ê thài-thài ũ hā chit-ê koat-sim, chiū-sī beh chiong i ê tiōng-hu ê mô-pēⁿ lóng-chóng kái-tiâu, hō i ê tiōng-hu ē-tit-thang chiāⁿ-chò chit-ê sip-chōan sip-bí ê lāng. I chiū chiàu gí-tiāⁿ ê kè-ōe

chin-hēng. Tē 1, liat-chhut tiōng-hu ê khoat-tiám, “Khòaⁿ tiān-sī sng bák-chiu, bô-khùn sng sin-thé.” Chit liáh-tiòh ki-hōe chiū kā i soat-kàu, kiat-kó lóng bô-hāu. Tē 2, chōan-ī i ê chū-ì-lék, phì-jū tī i teh khòaⁿ tiān-sī ê sī, kiò i chiáh-png, á-sī kiò i khì chò sím-mih tãi-chì. Thong-siōng lóng-sī bô tōng-chēng. Ū chit-pái khòaⁿ i bák-chiu kheh-kheh, siūⁿ kóng i khùn--khì--lah! Chiū kā tiān-sī chōan pát-tái, bô àn-sng, i ê tiōng-hu sūi cheng-sin chia--khí--lái, chin siū-khì tōa-siaⁿ jiáng, “Chhòng-sím-mih?” Tē 3, iōng kī-tha ê hong-hoat lâi éng-hióng--i, khian-chè--i. Chhin-chhiūⁿ tī ũ pāng-kiū pí-sài ê jit-chí, an-pai chit-kóa òah-tāng hō i chham-ka, kiat-kó sī pōe-phōaⁿ i chham-ka ê lāng chham-ka kah put-chí kan-khó. Tiōng-hu nā-sī ē-tit-thang chiàu lán ê ì-sù lâi kái-piàn, tong-jian sī chin hó. Chóng-sī i nā m̄-khéng ê sī, beh cháíⁿ-iūⁿ? Góa siūⁿ chí ũ nng-ê khó-lēng, chit-ê sī kè-siòk kā i kiōng-pek, kè-siòk kòe-tiòh hit-chióng chhi-chhám-lók-phek ê jit-chí. Koh-chài chit-ê chiū-sī chiap-láp i ê